

固安縣志



咸豐己未年重修

固安縣志

本署藏板

序

甲寅維夏予權篆固邑惟時黃流橫溢四郊盡成澤國加以逆氛北竄相去僅三百餘里防兵駐境內田野荒蕪商賈斷絕邑之民幾不聊生矣下車之日目覩時艱撫凋殘整疲弊因思所以因地制宜之方以求合乎古先正之所爲爰取舊志而詳閱之乃以年久漉漫殘缺其中沿革損益之事舉墜興廢之由亦無從考核因輟而嗟歎亟欲修葺增補焉而未有暇今幸諸患悉平歲亦有獲邑之民有蒸蒸日上之樂乙卯歲乃克集諸同志分彙採訪益之以老吏之傳聞殘編之記載訂集成篇夫修志之難同於修固安縣志

卷一 序

一

史以予謫陋何敢遽與斯役顧念民氣之盛衰視夫吏治吏治之得失資夫志乘使一任其漉漫殘缺歷久益無所考宰斯土之憾卽斯邑斯民之憾也是修志意也尤望博雅君子匡救其陋而增益之不誠宰斯土者之幸而尤斯邑斯民之幸歟

咸豐五年歲次乙卯十一月二十八日權知縣事侯官陳崇砥繹萱氏敘

重修固安縣志序

從來志纂要於一統而詳紀於一邑是邑志實天下輿圖風化之攸關典綦鉅已久而弗修與無志等修而弗竣猶弗修也邑志我

朝康熙年間創修於邑令蕉溪鄭君越百數十年蹟涉渺茫字慮豕亥文獻幾類無徵而繼起亦續焉末由幸繹諉陳君權斯篆咸豐五年夏慨然倡增修之舉延紳開館廣爲采訪而邑廣文鼎立吳君象儀吉君實共襄之惜脫稿未成陳君遽卸篆越數年司馬嶽生齊君司鐸掄甫紀君任於斯與鼎立吳君憫其墜廢復加考核愚憊付梓奈嶽固安縣志

一

生亦不旋踵去而訖未就適余來宰茲土僉以此事囑余余短於才而公事甚劇撫字百姓之未遑奚暇操觚哉低徊久之又懼斯編之垂成而不果也勉圖之以竣其事

皆

咸豐己未孟夏中旬

賜進士出身知固安縣關中李應選題

吾縣歷世以來不知何故因循至今會未有爲之志者嘉靖甲子夏敬亭何侯來知縣事乃諭於衆曰昔樊穆仲之稱魯孝公曰賦事行刑必問於遺訓而咨於故實不干所問不犯所咨宣王是以命諸彝宮昔之君子不敢自用而動必師古如此今當稽考者甚多而無縣志可據何以稱文獻之邦邪此有司責也遂慨然欲創爲之諏日主簿張宏業典史葛漢教諭俞天衢訓導張舜心徐炫請於古史氏方城楊公公已允諾矣未幾以病目辭復請於余余曰余何人也而敢當此任哉昔江淹有曰修史之難無出於

志陳壽號善敘述李延壽稱究悉舊事而所著二史獨於志畧焉誠以憲章所繫不可得而易也余何人也而敢當此任哉况一縣之事散見於數千百載之間而雜述於野史小說誠非一人聰明所能悉也且余素乏三長又老病侵尋豈能搜羅無遺而成全志哉敢辭何侯請益懇乃止纂輯舊所聞見再閱月漫爾成帙至於補其闕畧文其樸陋不能不望於後之博雅君子云何侯名永慶字善夫嘉靖己未進士蒞任未久百廢俱興志其一事也是役兒輩大生性生有生頗有考索之勞其圖畫作字性生尤勤因并及之嘉靖乙丑六月望日

舊序二

秦士奇

予嘗述稽往載若禹貢周禮春秋其大者也故其人物山川靈恠之屬幽顯必備後之志者於焉取法否則無以詔後世我英宗皇帝命儒臣作一統志此時郡縣之志雖云大備然考證非耆碩古蹟往行多所缺遺始自郡縣不足徵遂無以徵天下耳若然則一縣之志實天下之志也方城舊有縣志爲邑故老都憲蘇公與何侯所修事核詞文諷勸攸關說者猶議其未備然未敢輕爲損益也歲己巳冬城陷一時人物旣燼而志簡亦付湮滅奇以庚午春王正月來調茲土弔亡撫遺間偶有拈筆多傷逝悲殘矧邊

固安縣志

卷一

舊序

三

疆未靖日與人士爲綢繆計何暇閒及幸尙有典刑老成文獻足徵及今不舉縣志長缺誰職其咎爰進諸老商確俱各唯唯分編考核共相搦管以補其未備而闡其未傳其爲象緯方輿則皇覽山海水經之蹟也其爲職官則列卿年表循吏傳之遺也其爲耆舊先賢則高士列女之準也其爲選舉則賢良方正孝廉明經之遺也曰宮室食貨雜志則五行傳兵亂志之畧也亦禹貢周禮春秋之所出非直邑人所考見亦將以傳信共徵天下而不止爲一邑之志也已崇禎庚午中秋

舊序三

黃奇遇

庚午冬謁選得方城令時變亂始閤期至則城郭人民圯  
且竄者強半不視金臺易水諸古蹟輒不勝感慨唏噓無  
何而前令秦公庸出縣誌草示余且祝余鐫余固長邑義  
不敢辭乃簡付剗厠氏值牀頭羞澁越壬申夏告竣梓人  
并索予序予喟然太息曰方城古稱文獻地自己巳之變  
衣冠塗炭冊籍煨燼往敷求于先哲人用保乂民余事也  
顧余之蒞是邑者閱歲矣災者未復困者未蘇安集勞來  
者安在耶抑渤海朝歌可得聞不可得見耶修文不如修  
實余愧矣聊作數字却之誌成蓋崇禎五年仲夏十有八  
日丙辰也

固安縣志

卷一 舊序

四

舊序四

楊文祔

固安縣志蘇老先生纂修於嘉靖乙丑垂今已六十年餘  
邑中掌故散佚于六十年之後者何限矧崇禎二年季冬  
城遭殘破國之典刑家之文獻盡付烈焰老成凋謝諮詢  
誰詰考古證今者恒難焉邑侯秦公庸氏以東魯人豪爲  
劇邑神宰英聲茂實蜚騰霄煜者久矣聖天子憫殘邑罹  
禍之慘須得一整頓巨手易危爲安於是侯自鹿泉移任  
固安蓋特簡也侯聞命遄征始至卽銳意綢繆苟可加惠  
子遺靡不殫竭精力飭久窳之軍容軫貼危之民瘼非但  
戛戛補牢且復沾沾收籍謂邑乘不備則考鏡何憑慨然

議欲增修爰取舊志目錄分授鄉紳孝廉俾各述所見聞以備採擇而研以衰劣亦謬承人物志十三款受命以來逡巡筆不敢下總之皆因仍舊志補綴者十一二耳蓋前輩采摭纂輯誠不易及安可輕爲削減來螽測之譏亦安可妄有增加貽蛇足之笑謹依目錄彷彿剿習上呈至夫臧否去留則有我侯淵見之審直筆之任祈邑人也恂恂不能言守此律令而已敢曰吾舌之尙存

舊序五

陳祝升

按周官外史掌四方之志後世因之有邑志志者史之遺也邑以內上應星躔下辨疆域若城池橋宇風俗物產錢

固安縣志

卷一 舊序

五

穀賦役名賢勛德匪志弗傳故曰志者史之遺也固邑志創自邑紳蘇先生嗣有諸公修補自我 清定鼎以來舊籍殘缺余初蒞茲土卽欲以重修爲己任然未易言也近奉憲行修新志達翰苑彙爲

大清一統志洵盛典矣余邀邑紳衿會集公所日夜拮据訂修不以文掩實不以簡昧詳訪于故家之聞求諸長老之說芟舊增新經數斟酌而後定他日觀風問俗之使一展卷間悉知方城大略俾司國史者有春秋筆將取節斯志焉康熙壬子臈月

舊序六

一代之興必有一代之志與國史相表裏右文者據以修詞博古者循以考畧守土者依以鏡治志亦何可廢也吾邑蘇先生創舉志綱繼起而訂補者則侯石臣諸公也今上龍飛之十有一年允閣臣奏纂修一統志遍採方域時我邑侯陳公躬逢其盛屬予等操觚修固邑新志茲役也才固不敏義實難辭侯蒞任以來清廉仁愛百里蒙庥予等隸春煦之宇敢憚拮据而不共襄厥事雖然志者一邑鉅典也斷簡訛文安得憑臆補正因革損益未敢任心主裁侯博古下問躬親考核成一家書舉邑實邀惠焉時迫于告竣仰副 朝廷創制維新之意午夜挑燈倉卒成

固安縣志

卷一 舊序

六

帙猶恐諮訪未周是宜據實以告來者康熙壬子季冬

舊序七

鄭善述

始吾蒞任謁文廟櫺星門外爲通衢愀然不甯再詣城隍行禮廟貌頗肅獨傷鐘鼓二樓無存迨祭孤養濟院瓦礫荒墟獨孤癯疾輩結茅不蔽風雨輒爲心恫詢諸父老咸云文廟路展拓無術自古而然卽二者之廢不復興亦多歷年所矣私計工繁費重每形諸寐歎曰是可知固民之凋敝而經營之無資也亦可知固令之煩難而率作之不懈也雖然此不過絀於財力耳更有事關極重勢處莫何年代遷流文獻茂考則在此四十餘年未修之志書愧余

日逐執掌興除未能報最無期不逮前人遠甚顧此修建  
數事猶不克龜勉勝任負疚奚釋適今留滯入載旁午之  
餘次第舉行諸土木工程俱幸告竣特志書一事茫無畔  
岸屢進邑紳士俾各採修乃寥寥可稽者甲乙兩科耳至  
邑宰姓名里居亦多參差餘更闕如晷念此數十載中川  
谷變遷衙署修建官師易而人物新以及賦稅之懸殊藝  
文之散佚失今不修後更何底爰取年來所偶見稗官旁  
涉鄰志時或馳驅荒村適然觸目邂逅野老偶吐諺言舊  
碑碣常留斷簡文章老胥徒能道前官日月留心載筆積  
久成編其在前闕所遺者并爲增補業將付梓忽得前明

固安縣志

卷一 舊序

七

秦侯故本人物較詳藝文亦多不禁狂喜因重慨人文表  
彰實摻有數惜前志之太簡而中遭刪削者之尤覺無謂  
也用是重酌訂增經兩閱月視前簡帙將倍嗟乎官如傳  
舍人多因循卑者置爲不切之務高者薄爲粉飾之觀則  
後來修舉又屬何日詎知國有史邑有志家有譜並非具  
文也其封域賦役本諸禹貢矣官師選舉原於周禮周官  
矣人物藝文肇自國語國策矣若迺建置諸蹟散見春秋  
左氏甚夥何一非聖經賢傳所鄭重歟後之君子勿以余  
爲迂言各圖續於未艾并補前之有遺是尤余所惓惓也  
夫康熙甲午中秋

舊序八

直隸按察使 徐 炯

余庚午歲典試閩中得蕉溪詢之人人乃一學行士也余後宦遊四方或家居不可時見去歲始自口北量移而蕉溪已令固安有年爲余屬邑吏固安劇甚蕉溪爲令至勞苦然而百姓安之上官稱其有守而才他邑疑獄輒委之斷決余見之喜且欲徐觀其爲政也乃蕉溪已無意於仕求罷甚力已而竟以事去行且歸矣出固安縣志請於余曰此某於公務孔棘中乘間取隙而綴輯之者也願得師一言以爲重余惟今之爲吏者大率自急其私求便其身圖有能留意於地方百姓之事者寡矣業已官其地不可

固安縣志

卷一 舊序

八

他委慮事不治累及已不得已始經理區畫之而實非其心之迫切而樂爲之也至若邑志事非所急當事不以之督責百姓不以之怨咨於其身又無毫髮利害之及往往渺然置之或者地僻而政簡優閒無事無可以銷其日力寄其耳目心思始姑從事於此以自遣也否則或委其邑之大夫士羣處而爲之而宰特觀成焉者也今固安旗人與民錯處而互角渾河所經樾菑之所出近者

聖主每歲春巡霸州治道造梁邑小而務繁任大而責重令方犇命之不暇其勞苦爲余所親見豈復更有間隙爲此不急之務蕉溪乃竟黽勉而獨成之詳而覈實而有文

其亦勤矣余度其心殆以一邑之事似緩而實切似輕而實重者無逾於此是以不恤其身之勞汲汲以爲之也嗚呼彼於事之顯然切且重者抑又可知也已仕宦進止本自無常要在當官所行無愧於地方百姓且可以有傳於其後而後平日之積學修行庶幾不相掩而相成今蕉溪之所爲若此余竊喜夫曩者相知之不誤也爰不辭而爲之序

舊序九

潘昌

志爲一邑史民風土俗因時遞更聞見所關激勸尤切要必月紀歲登始無遺漏然在宰邑者實難矣案牘之繁送

固安縣志

卷一

舊序

九

迎之擾酬酢讌會雜沓紛紜雖勤於政治者日鮮甯晷間卽留心著述或以續修未定俟之後人後來者又以歲久殘缺稽考維艱而邑之鄉先生多忽爲不急之務因循日月是志也不獨創之者難而修之者亦不易也固邑自金元至有明數百年來並無志書嘉靖初李侯玦雅欲修志採訪遺編得李小仙逸集預有仲玉作志之語而究未成書蓋一邑人事之顯晦志攸係焉實運會有以致之似非徒捉筆者之得意爲也後昉自蘇公志臯編於嘉靖乙丑歷宰二十六人至崇禎庚午秦侯士奇能於干戈擾攘中增修再歷宰十五人至本朝壬子陳侯祝升奉採修一統

志復爲刪刻迄今歷宰又十五人矣姑無論前者多所殘缺卽此數十年來人事堪書文獻不足者更不知幾何矣後之從事者雖心焉神往徒歎追遡之無從蕉溪先生以三山鉅儒蒞畿南劇邑八年來茹蘗飲冰實心實政百廢具舉於邑志猶惓惓致意焉雖故老凋零古書錯雜先生其難其慎若欲仍舊苟且散者整而缺者補訛者正而隱者揚一字片言悉經手定不特壬子之後續載無遺卽金元以前補訂甚備則先生今日爲志之續儼然集志之成謂非天之特使斯人而蒞斯邑運會有以徵之耶余以瀾東下士謬參末議聿觀厥成抑何幸也因不揣蕪陋聊贅固安縣志

卷一 舊序

十

數言於簡末以紀其盛云康熙甲午仲秋

重修固安縣志姓氏

纂修

大挑知縣署固安縣事陳崇砥繹葺福建侯官人丙午舉人

編輯協修

福建庚子科舉人陳福嘉原名楷字朗川閩縣人

編輯校刊

固安縣教諭吳三峯鼎立南宮縣人甲午舉人

固安縣訓導吉象儀玉田縣人廩貢

固安縣訓導現任國子監助教紀煥選掄南河間獻縣優貢生

採訪紳士

固安縣志 卷一

癸酉科拔貢生劉榮黼繡山本縣北趙各庄人

歲貢生穆寶華光斗本縣渠溝人

歲貢生金汝礪秀峯本縣賀家營人

庚子科舉人哈清阿植三本縣駐防人

廩生張均曉樓本縣園頭人

廩生楊寶嗣建菴本縣孔家庄人

附生陳宗儒學古本縣知子營人

丁酉科拔貢生王錫齡夢符本縣西關人

丙午科舉人張樹基小岐本縣門鐵營人

己酉科舉人賈如蘭雪言本縣曹家營人

廩

生陳宗周

省山本縣人

廩

生趙錫純

魚南本縣人

廩

生李亨春

梅村本縣人

乙卯科舉

人韓皎如

月橋本縣人

廩

生盧錦泉

杜橋本縣人

附

生姜鴻文

雲衢本縣人

附

生聿宿輝

子昭本縣人

附

生孫兆麟

化南本縣人

校對

附

生高然

### 固安縣志

附

生陳大安

### 前志歷修姓氏

### 嘉靖甲子歲創修

何永慶

善夫嘉靖己未進士河

蘇志臯

德明邑人嘉靖壬辰進士

### 崇禎庚午歲重修

方一藻

元根順天霸州等處兵備道副使新安人

劉伸

蠶存崇禎戊辰進士湖廣麻城人知縣

王象雲

非雲進士山東新城人署邑事永清令

秦士奇

公庸天啟乙丑進士山東金鄉人知縣

黃奇遇 享臣崇禎戊辰進士 廣東揭陽人知縣

楊文祔 邑人萬曆歲貢 陝西商南知縣

周自新 邑人萬曆歲貢 山東武定州判

曹夢麟 邑人萬曆恩貢 陝西華亭知縣

馬似豸 邑人天啟恩貢 山東高唐州判

邢垂標 君建邑人天啟甲子舉人

侯奉職 石臣邑人天啟丁卯舉人

周綿 瑞奇邑人崇禎恩貢

郭成名 子彰邑人崇禎恩貢

康熙壬子歲重修

固安縣志

陳祝升 子雲順治辛卯舉人 山東濰縣人知縣

李樗 九一邑人康熙己未進士 福建南安知縣

沈子龍 恒山邑人順治辛卯舉人

王邦翰 邑人康熙丁巳歲貢

楊廕餘 邑人康熙癸酉歲貢

康熙甲午歲重修

鄭善述 蕉溪福建侯官人知縣

潘昌 字燕如 山陰人

耿永年 定興丁卯舉人教諭

范繩祖 吳橋歲貢 訓導

曹江 邑人 丁卯舉  
人候選中書

傅應龍 邑人 戊子舉  
人候選中書

卜漢超 邑人 壬子科  
武舉人 守備

張攀龍 邑人 候  
選訓導

劉煒 邑人 候  
選訓導

周佺 邑人 候  
選訓導

固安縣志

此为试读, 需要完整PDF请访问: www.ertongbook.com